



DANI OPĆINE  
STARI GRAD SARAJEVO



Saopćenje za javnost  
Broj doc. 506B – 2019

Peta internacionalna konferencija  
SARAJEVO I SVIJET  
od 4. do 15. maja 2019. godine

**Prvi znanstveni kolokvij**  
**Šejh Abdurahman Sikirić u bosanskoj kulturi**  
**Sjedište Međunarodnog foruma Bosna**  
**(ul. Sime Milutinovića 10/III)**  
**4. maj (subota) 2019. godine, s početkom u 11:00 sati**

Međunarodni forum Bosna organizirat će, u saradnji s Općinom Stari Grad Sarajevo, Prvi znanstveni kolokvij *Šejh Abdurahman Sikirić u bosanskoj kulturi*. Taj kolokvij je dio Pete internacionalne konferencije Sarajevo i svijet koji će biti realiziran od 4. do 15. maja 2019. godine.

Kolokvij će biti održan 4. maja (subota) 2019. godine u dvorani za sastanke Međunarodnog foruma Bosna, s početkom u 11.00 sati.

Šejh Abdurahman Sikirić (1775–1847), poznat i kao Sirija i Siri-baba, nakšibendijski je duhovni prvak i pjesnik na bosanskom i turskom jeziku. Vlastitim primjerom i zagovaranjem ozbiljenja ljudskosti u njenoj najvišoj mogućnosti, uz djelatni odnos prema bosanskoj zbilji svog vremena, nastavio i proslijedio je perenijalno učenje o čovjeku, svijetu i Bogu uobličeno u nakšibendijskom derviškom redu. Način na koji ga fra Lovro Karaula spominje 1845. godine u pismu provincijalu fra Stjepanu Marijanoviću jasno je svjedočanstvo o bliskim odnosima bosanskih fratara sa šejhom Sirijom. Iako je poznat gotovo svim istraživačima bosanske povijesti i kulture, nedostaju sistematični prikazi njegovog djela i trajućih utjecaja.

Ovim kolokvijem organizator namjerava otpočeti sistematična istraživanja i predstavljanja tog djela, paradigmatičnog za bosansku povijest i kulturu.

O tim i srodnim pitanjima uvodno će govoriti: fra Mile Babić, Samir Beglerović, Mehmedalija Hadžić, Amra Hadžimuhamedović, Haso Popara, Rusmir Mahmutćehajić, Hazim Numanagić i Asim Zubčević.

Nermina Jusić  
MFB Press